



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一五九

白石山房文稟十四卷 李振裕 撰

一

枕左堂集六卷 孫致彌 撰

二二三

枕左堂續集三卷 孫致彌 撰

二九五

枕左堂詞集四卷 孫致彌 撰

三三九

張文貞公集十二卷 張玉書 撰

三七五

白石山房 文集

序



在昔有宋之興也同時以文章名世者世必推歐蘇曾王四家而歐陽文忠公曾文定公王文公皆出於江右於是江右之文章衣被海內遠近莫敢望焉蓋其名山大川溪林層壑逶迤旁魄之氣蓄久而不洩然後發爲人傑如歐曾王三君子者是也嗣後人文蔚興訖於明季兵燹之餘文獻漸以衰謝其歸然以宿德重望冠冕乎江右者莫如侍郎石園李公今維饒先生則侍郎公之次君也方

白石山房彙序

侍郎公受知我世祖迴翔卿貳先生年尚髫髻卽從游京邸入則奉教於侍郎公出則與四方名公偉人相延接未嘗不趁其下風而聆其緒論舉凡國家之掌故古今之沿革一時之人物臧否微而天人性命毫芒之辨顯而禮樂政事治忽之幾蓋悉已洞諸指掌而瞭然於胸中矣侍郎公之配朱夫人則又素嫻吟詠日夜偕公唱和先生居家庭之側往往親承指授耳濡目染日以有得及以高第揀入翰林讀書玉堂之中扈蹕交戟之內

其才益高其學益博其見聞益雄濶宏肆每著作一篇出士大夫必相傳誦以熟蓋先生之在本朝不啻歐曾三君子者在有宋盛時也去年春天子特簡先生視學東南先生課士之暇哀其所爲白石山房文豪凡若干卷郵書示琬且曰吾子宜爲之序琬惟古人之於詩若文也有臺閣之體有山林之體居廊廟者長於臺閣守柴柵者長於山林殆未有能相兼也先生則不然當其代言應制美盛德之形容效太平之潤色大者敷

白石山房彙序

二

腴而有則小者簡核而有章煥若春華爛若文輝斯誠得臺閣之體者也至於登高臨遠感時情別緣物託興撫事懷人則或淋漓盡態或激昂多姿窮哀樂之變而極刻畫之工其於山林諸體又加長焉在前人若燕許若常楊若沈宋若李杜所不能兼者先生顧獨得而兼之假令歐曾王三君子者復生於今世俾先生出其翰墨發舒其所得以與之馳驅角逐吾未知其孰先而孰後也琬老矣後先請告者踰十有七年窮村僻壤之爲居而田

翁社父之爲友雖間有所作亦祇知山林而已其於所謂臺閣者雖憊精竭思未能窺及其堂奧之萬一故滋歎服於先生之有兼長也而樂爲之序若先生造士之勤涖政之肅持躬之介且峻則有都人士之歌頌在不及贅云康熙二十五年秋七月癸未朔長洲年家侍生汪琬序



白石山房彙序

三

白石山房文彙總目

卷一

古今詩九十七首

卷二

古今詩九十四首

卷三

古今詩七十五首

卷四

賦四首 奏疏二首 頌二首 策問七首

白石山房彙總目

卷五

序十八首

卷六

序十一首 附引二首

卷七

記四首 附紀事一首 疏五首 表七首

卷八

誌銘二首 行述二首

卷九

卷十

啓十二首 附書簡六首 告祭文十五首 附詩一首 題跋九首 雜文三首 內制六首

卷十一

史傳十六首

卷十二

史傳十三首

卷十三

古今詩九十一首

白石山房彙總目

卷十四

頌一首 疏三首 序十二首 雜文九首

白石山房文彙總目終

白石山房文彙卷一

吉水 李振裕維饒 著

詩一

戊戌人日

幾載江淮客此身章門登眺倍情親湖光澈滌前
朝色山氣菁蔥故國春海燕欲來迷舊宇烟花有
意待歸人去年記得題詩處徙倚高樓涇水濱

三餘軒

三餘唯母命易我意何深月霽清霄漢鐘靈變古

白石山房彙

今但開千載眼寧愧百年心漏滴鑪烟沸幽軒喜

獨吟

別韶英社送公達六兄之金陵

社成能幾日又值送行時高誼青雲薄離情白鳥
知江烟衝霧直帆影帶花敲澹蕩春光遠悠然繫
所思

初隨家大人旋里

年來夢遶同江路今日隨親蕩小輪岸木虬蟠留
古色崖碑磨裂食苔痕入門應笑迎新客眼底何

曾識故園爲說西山山不遠行行回首戀晨昏

阻風

石尤未肯住舟子日相喧古廟雲爲蓋荒村水作
簫波光翻塔影風急疊沙痕鷺鷥閒多狎飛飛亂
野墩

園居感懷

看徧青山不愛題江漢祇覺草烟齊雲生遠岫懷
慈母月落空亭夢故妻枕斷疎鐘鳴野水風穿絕
壁走山鼯可憐無數摧殘葉多在荒唐竹澗西

白石山房彙

永思庵

聞道雲山勝因之訪茂林幸無逢過客偶爾見來
禽徑入荒烟裏禪通古石心泉聲流不住靜悟覺
逾淡

月夜發舟感懷

江亭戍鼓寂浪靜櫓聲微遠樹荒村在清砧幾處
非推篷衣欲溼衝露鴈先歸嗟彼竊釣子嚶嚶說
采薇

和周從大韻

濟川用舟楫風雨滯江潯臯比坐傳經修綆堪汲
古胡爲澤畔吟烟蓑歎漁父行過琵琶亭寒食正
百五

送戴孝臣歸遼左

江頭初見柳條青送客情淡醉醺醺自有烟花供
遠棹可堪風雨暗離亭山陰尚欲尋安道遼左誰
云老管寧寄語平生余好友關河夢斷幾迴醒

謙

郟城

白石山房彙

卷一

三

此夕爲何夕輿人報小除殷勤儲歲酒珍重寄家
書故國三千里茆堂二尺餘孤燈清夜迥歸鴈叫
荒墟

涿州道中

極目燕臺憶舊遊霞光縹緲遠峰頭新恩 丹詔
雲中出故國青山天外浮杏苑香生來 北關桃
花春滿望南州可堪馬首嘶長夜萬里風烟此地
收

九日步母大人原韻

無煩風雨妒重陽著意催花故故忙舉世誰人甘
撫字天涯何地可農桑借澆塊磊尊浮白令值叢
殘蟹正黃欲賦滕王最高處飛濤應已上迴廊

贈別徐公肅殿撰齋 詔還朝便道歸省

荷歟徐太史昆岡秀峰矗臚唱五雲香書奏三千
牘彩筆煥龍章銀管抽天鹿 丹詔下瑤墀皇華
來翠轂顧我蓬華中殷勤敦誼夙慷慨話襟期古
道時相勗蘭譜託金昆

乃兄原一與
予同年友

兼葭慚倚玉

小閣問陶匏四座清風穆謖謖巖下電霏霏霧中

白石山房彙

卷一

四

穀放眼天地寬一代文章屬玉峰多巨公音徽傳
芳躅大業媲美前人盛名薄晴旭旣得賦嚶鳴遽爾
歌驪曲南浦當別筵贈言愧樸樸邀望望匡廬巔飛
濤擊琴筑山水發奇音高響振林谷明霞漲遠川
錦纜凝遐矚歸拜彩衣堂稱觴榮松菊笙簧叶埴
簾簪笏盈牙軸慎勿戀承歡 彤庭資啓沃

和董蒼水同年韻二首

塊處豈堪云豹隱巖棲聊復藉龍茲論交磊落三
春候閱世瀾翻一局碁把酒高天容寄傲登樓無

地可探奇聲聲杜宇啼荒徑遮莫平原係夢思
筆峰高峙萬山尖詩酒留連任所兼梅雨夜來傳
錦字草堂朝起捲疎簾曠懷共有烟霞癖故態寧
舞禮俗嫌白社滄洲千古意且耽新詠幾回拈

贈彭雲客進士

閩閭城外青青草有客乘槎泛烟島滄波日下黿
鼉遊緲緲匡廬揖五老片帆瞬息灌城隈孺子高
風安在哉殷勤握手披肝膽歡然相與傾樽罍樽
罍既竭情未竭何處疎鐘動林樾依稀鳥影落空

白石山房藁

卷一

五

杯搔首青天問明月慷慨悲歌愜素襟新交何舊
古交溪泉分石甃烟靄霽洪崖丹井猶可尋洪崖
咫尺清江渚君言家世肇於此吳楚雲山望不遙
况復蒹葭詠葛藟粉榆結社倍情親花白紅總
是春東風一夜花零亂綠漲平湖疊翠茵心期幸
託忘年友慎莫臨岐輕折柳妙旨待君參疑義資
君剖噫吁噓我生未窺大道之藩籬俛仰世俗非
所宜吾徒但存青眼在悠悠千載意何爲竹篠飲
殘知夢遠 彤廷指日詔平反氣節昔推忠定公

唐英論事何侃侃嶽奇自是廊廟才君家從事惟
處澹

謂汝

江鄉望望朱絲琴洗耳佳音慰百感

贈別董蒼水彭雲客二首

來經常玉嶺去咽大江流吾道惟知己高雲照古
丘可堪纔惜別翻共作悲秋慎莫嗟行路依依杜
若洲

古人重離別所重在心期與子交淺處卽予亦不
知涼風丹柿葉歸夢碧尊絲况有同舟客樽前繫
遠思

白石山房藁

卷一

木

重陽後一日同舅氏茗飲地藏庵有詩見示

依韻奉荅二首

一望溪光淨支屏半竹梁午餘花氣淡雨過野泉
香煮茗今朝約登高昨日觴卽州勞問訊

芙蓉惟
卽州最

盛還擬摘遺芳

精藍時入夢晚過正生涼何意蒼烟路能隨秋水
長窓涵雲影白霜老橘衣黃遶屋繁花砌依微不
辨香

寄懷陳爲謙十首

正馬長安道相逢愜宿思有懷嗟失路無淚灑臨岐
淒絕涼州曲傷心出塞詩樽前各回首脉脉向天涯

花萼樓前月風徽阻一川平原空有約尺素杳難傳
遊子經行處寒山薄暮天那堪思往事月影正娟娟

得句聯牀夜悠悠思不禁但留隻眼在不負百年心
落葉空山響疎鐘別澗音臨風惆悵極入夢覺情淡

白石山房彙

卷一

七

津亭驚脫木蕭瑟歎離羣雨雪他鄉共風烟此際分
文章存骨肉氣誼薄秋雲聚散渾無定悲筵未忍聞

京洛盤桓日星霜幾故新魚書纔兩度鴈影又三春
舉世誰相好如君乃見真願言珍重在把酒對蒼旻

晚菊花仍放荒齋夕露零江天萬古白身世一燈青
遼海飛鴻雪沙原叫鶴鴒蘭陔不忍讀遙酌少微星

陳四直方卒于塞外蘭陔草其所著也

兩地一爲別還山有敝廬三年知已夢萬里故人書
多難憐吾子幽憂倍恰余如何秋雨夜輾轉起長歎

結縞期千載論交非世情朔風吹大漠邊草動秋聲
不盡懷人意長歌望遠行爲謙有望遠行見寄海陵兄弟好迢遞感平生

加餐惟遠祝歷亂語難詳野渡寒流咽重關古路荒
塵沙今異地翰墨舊詞場令子多英特承歡日正長

白石山房彙

卷一

八

遠憶幽燕客應知感慨多乾坤容我輩世路愼悲歌
白社思無際滄洲意若何聖明寬大詔指顧返巖阿

和次和五舅新居卽事韻

遠翠朝迎野徑開爲拈詩句幾徘徊蕭疎不礙看山
眼取次宜添近水梅好鳥乍驚新幔捲虛堂恰愛晚烟來
春星一帶連芳草贏得椒花對酒杯

送次和五舅之襄陽赴友約

六月度瀟湘知君非得已生計在烟霞草堂對流

水流水慳幽心新詩託素紙石田不可耕所嗟乏
饅飴采葛詠風人江天空徙倚宋玉故多情杜陵
亦仰止豈云汗漫遊交淡乃可恃朝挂武昌帆輕
舟疾如駛萬壑走荆門赤日光涵紫振筆寫蒼瀾
崧巔羣峰峙彈鋏和銅鞮狂歌應復爾眺望仲宣
樓因風想玉壘執爵祝三詞河陽有高軌相得益
以彰慎終宜謹始歸蚤慰庭萱好趁秋蓴美

送朱連山之壽州幕

入幕如同選勝遊依依惜別大江頭三山雨帶西

白石山房彙

卷一

九

山色六蓼烟橫楚蓼洲離緒時繁芳草夢峭帆斜
挂秣陵秋主人况有并州誼漫向滄波起暮愁

寄懷董蒼水

華亭董子天下才悲歌慷慨胡爲哉胸有明珠二
千斛詞源噴薄動風雷君家兄弟竝高躅不數雲
間稱二陸遨遊南浦憶盤桓別來又見飛鴻鵠世
上悠悠幾盞簪丈夫所貴在知心君住松江我蠡
水相思相見情難禁從來不識松江路夢中彷彿
泖湖渡滬瀆城荒海國遙擊楫不知天曉暮酒酣

意氣各飛揚縱橫今古恣徜徉君作長歌我起舞
醒來見子書數行書中宛轉天涯隔况是兼葭汜
露白新詩一讀一沾巾故人念我仍疇昔楚水章
江半入吳五茸城下長平蕪開尊獨對秋空月黃
葉蕭蕭清夜徂

送錢子璧北遊便道歸松江

杜家詩句米家書秘笈窮搜萬卷餘入洛正逢新
鴈候過江尚及饌鱸初西崑體製君偏擅南部聲
歌我不如握手河橋重悵望殷勤爲語寄亭樗

白石山房彙

卷一

廿

董蒼水

贈錢子璧

每過論文竹影移襟懷磊落話心知松陵烟水蒼
葭夢黃耳秋山夜雨時江左風流存古調雲間唱
和有新詞銜杯漫對樓頭月極目江天動遠思

題扁舟圖贈劉遠公二首

身許鳬鷗狎詩從憂患淡乾坤遊子意湖海寓公
心夜壑聞空響天風動遠吟悠哉烟水濶隨處涉
登臨

扁舟何所繫蹤迹任飄蓬天道疎儒術吾徒隱釣
磯乍歸翻似客未老已稱翁無恙家山在多君意
氣同

追送王履上還平江

薄遊渾不耐葉落便思歸帝子空餘閣王郎竟拂
衣秋心入吳水楚樹帶山暉知已天涯夢江天有
鴈飛

題山陰季遠之看奕圖

上有丹楓林下有洄溪水嗟彼當局人何如局外

白石山房彙

卷一

七

喜冥心入無垠靜悟不煩指蕭蕭石磣音秋風生
素紙

贈別錢飲光

絕似江南老步兵當年莽蕩氣縱橫放歌未盡田
間草

飲光有田間集

孤棹長留世外情落帽不堪逢髮短

射潮今已見波平雙湖儘有垂竿處何事西風動
遠征

送孫四易公孫八肖武遊粵東二首

嶺南花事好相送暫銜巵峽雨無朝暮春風有別

離幾年淮水夢千首薊門詩國雅君同調風流儼
在茲

黯然南浦別極目去帆迷雨過春城暗潮迴海日
低家家荔子熟岸岸鷓鴣啼知汝吟成處心隨鴈
影西

風雨大作寄長兄舟中二首

朝發章江船暮聽篷窓雨作客倍思家蒼波生遠
浦

狂飈竟日吹夜雨傾如注卽不畏風濤其如高堂

白石山房彙

卷一

七

慮

送方敦四之粵二首

夜雨三山夢扁舟兩度過題書情未已會面語無
多客到刪肴核春歸戀薜蘿宛然詩在壁月影共
摩挲

一時南國彥都向五羊城嶺路同知已江樓獨別
情亂雲明絕壑百粵近銷兵安得隨君往輟輟聽
遠聲

寄朱四均

憶別三秋後相思託素箋夜來鳴急雨曉起淡朝
烟定有春歸曲何時白下船名園花自好知廢蓼
莪篇

送范汝受二首

浪迹邗關日憐予髮正髻十山樓畔月廿四水邊
橋去住隨詩卷行藏問酒瓢南州得相見忽漫話
淡宵

春晚逢嘉客因之散寂寥烟淡南浦樹帆落海門
潮夜月還家夢輕裘遊子初不堪持別處風雨正

白石山房彙

卷一

五

蕭蕭

送談恕庵歸丹陽并寄令叔長益

草堂幾度爲君開騷雅于今尚未灰滿路烟花牽
夢遠一帆風雨打潮迴江天送客雲邊樹夜月懷
人歷下臺却憶當年登眺處何時尊酒共追陪

寄周亮臣白下時午節前三日

只此長江水臨流思邈然鳥飛桃葉渡人靜草堂
烟書是今春寄詩從隔歲傳江南多勝事夜夜打
燈船

陪施愚山觀察邀同周計伯劉潤山丘慎清

三司李吳六益詞伯集陳伯璣湖上草堂

卽席限韻二首

風雅一時集樽開逸興賒重湖鳴夜雨高館帶春
花攜得驚人句來尋處士家清談兼痛飲增勝此
芳華

徑僻自成趣風光足唱酬使君真愛客作賦共登
樓遠寺疎鐘到淡燈夜雨留莫愁歸路晚有約更
重遊

白石山房彙

卷一

五

詠二鳥二首

街得香泥處處飛池塘掠水溼春衣征人不及梁
間燕鎖日言歸尚未歸

燕

伯勞東去燕西飛何事年年勸不歸眼底風光容
易去空餘花影上羅衣

催歸

詠懷古蹟四首

漢代勳名振古聞幾回憑弔大江濱蒼茫野樹黃
雲暗凜冽英風碧草紛池面塵埃傳洗馬城頭祠
廟紀將軍可憐百戰餘殘壘遮莫尊前醉夕曛

漢

城

村烟漠漠水冷冷俊顧其如冷眼醒雨過樓臺清
夢杳雲連城郭暮山青重湖盡日流孤枕高士何
方認草亭剩有漁歌還上下好從物外想儀型子孺

桑麻雞犬事依稀拍手洪崖入翠微但覺烟嵐通
鳥迹尚餘苔蘚在漁磯何年採藥雲溪處自古遊
仙夢欲歸獨有斯人能避世猶嫌洞口有花飛秦人

白石山房豪

卷一

車

吏隱仙蹤未沈寥吳門端不爲吹簫桐江自喜甥

嚴瀨

子陵爲子真
之婿見漢史

新室誰從臘漢朝

梅以勳王
鳳去官

嶺

外梅花飛白雪樓頭鴻鴈度春宵東湖遺廟人猶

識寂寞疎鐘送晚潮

梅尉

園成喜陳伯璣劉遠公過話

何事經營力爲園亦已成本無多隙地却自有餘
情不了三冬雨纔逢一日晴忽然良友過煨芋話
生平

春興

日出衆鳥驚花明曉如霧起來手一編自刪還自
註讀罷適東郊散步得佳趣新綠已如絲人家雜
烟樹布穀喚淺耕池塘春水注前村賢主人歡然
來道故爲摘園中蔬殷勤敦朴素斯須野風吹白
雲飛不住高柳亂啼鴉落紅滿歸路日暗遠峰低
蒼茫迷古渡頃刻異陰晴嗟哉此朝暮

失意

昨夜夢中路三千里外身魚書遲薊北馬首戀風
塵去住憑妻子行藏累老親飄蓬多失意未敢怨

白石山房豪

卷一

去

蒼旻

寄內二首

雙飛來北闕隻影度南天穉子牽衣別征人掩淚
還乍離猶不覺回首轉淒然自分才名誤春風響

杜鵑

到家如作客夜雨滴殘更惟喜高堂健相思萬里
程淡聞知憶遠孤枕夢難成昨日音書至燈花分
外明

贈吳六益二首

去歲虔南路傳來江上書灘聲頻到枕梁月獨愁
予風雨千山夢鶯花二月初所思情不淺朗詠近
何如

海內尊詞伯江東老布衣天涯盡知己隨處得漁
磯放眼真無際論詩直到微延陵吳季子挂劍事
全非

長歌贈別王印尚學使

總角讀公文光芒萬丈凌高雲十七識公面意氣
千秋驚所見猶記握手歲寒餘贈我詩句如瓊琚

白石山房彙

卷一

七

瑯琊夙擅無雙目簪筆直上承明廬奕奕聲華騰
粉署清通朗鑒高名譽爭傳銜命來西江不事徵
求臥北窓傾蓋從茲喻膠漆龍沙竝轡情何逸夜
雨淡燈疊唱酬醉擊珊瑚揮落日須臾南浦敞離
筵再看旌節擁遙天江鄉士氣久蒸莽大雅遺音
誰嗣響起衰端復借明公炯炯文星共瞻仰龍門
百尺自嶙峋晉接依然笑語春伯樂一顧驥足展
駑駘蹀躞仍風塵殷勤猥及當時句向有新夢里
句甲周語間
及念我疎狂寬禮數爲啓讀書堂淋漓四壁交輝

光玉竿斟出葡萄色扶疎花木抱迴廊與公六載
長如此獨垂青眼情無已兩度驪歌帝子樓漫對
秋風空徙倚所持惟寸心願同江漢淡浩浩今與
古千載幾知音

送王含章歸雲間

極浦送歸舟江聲動地流幾年重會面此夕况含
愁木脫千山曉帆開一水秋臨風懷帝子詞賦滿
南州

中秋侍家大人螺川坐月

白石山房彙

卷一

本

去歲扁舟淮海客又看節序露華生一年浪迹身
如寄幾處離愁月共明時母居南浦內子
適兒尚留鄱下戌火中
宵嚴夜柝樓船下瀨罷長征老親病起加餐飯况
有音書慰遠情是夕南浦
北平信至

贈別陸冲默司李

冲默以
裁缺去

京洛相逢逼歲寒除書初下慶彈冠心知瘠土風
仍樸話到蒼黎燭欲殘盛世祇宜疎法網恤民豈
必省刑官低徊未竟澄清志翹首雲霄借寇難
母大人信至中秋次日始得家書感而賦此

家書曾兩寄到乃隔經旬小妹張筵待慈幃入夢
頻無瓜分餉客有酒獨依親何事長留滯臨風憶
遠人

大覺庵僧寄幻上人

出郭聞清磬到門心已幽何緣尋覺路遂爾及溪
秋萬籟聲俱靜空江影不流婆娑雙樹下疑坐遠
峰頭

恭謁文山先生祠

宋家陵谷等塵埃相國殘碑歷劫灰舉世後人祠

白石山房彙

卷一

九

下拜寒山片石夕陽開孤忠自可存今古遺廟何
妨付草萊謾說春秋猶饗祀一林風雨閉荒臺

起潛上人重修隆慶詩以贈之

五百年來寺灰飛舍利空地經烽火後僧老亂離
中碧瓦餘殘照曇雲動曉風誅茅新豎幟不必說
元豐

和陸沖默司李韻卽送其行二首

登臨繁逸興灑淚賦將離白雪誰同調黃花又一
時高天留鴈影寒月照霜枝去住詩千首謳吟動

遠思

攬轡登車日行藏貴識機名山題已徧宦况到今
微別夢縈歸棹承歡羨舞衣江頭紛折柳心逐暮
雲飛

重九前二日將發廬陵

何處宜登眺攜尊上小樓亂雲堆遠壑急雨失歸
舟獨對蒼江晚還同白鴈秋青原重有約好待及
春遊

愚山觀察枉顧不值賦謝

白石山房彙

卷一

十

不謂荒齋寂能邀使節過情同秋水澹門掩落花
多世局愁經眼青山好放歌追隨心自邇延佇意
如何

夜集小園雨甚諸同人散去愚山阮襄止宿

高會連吳越清秋雜管絃筵開桑落酒人聚菊花
天夜雨淹留得新詩次第傳諸公延勝賞慎莫問
歸船

風雨大作懷高阮襄舟次并簡愚山觀察

北風吹不住好友住江臯吾道人皆賤新詩爾獨

豪寒烟迷遠岫落葉送秋濤幸有同心侶吟隨廬
嶽高

送丘慎清司李二首

風雪長安道開城得素書交情君獨至世法我全
疎永夜清言劇高歌逸興舒忽然成此別把酒意
何如

掉影寒雲外移家傷水溜宦塗無定轍江國有餘
思古道誰能續斯文儼在茲頻行重握手努力濟
清時

白石山房彙

辛

送鄒程邨二首

共有千秋志文章許竝傳雲飛南浦樹客散夕陽
天閱世心能澹驅愁酒未捐扁舟明發去別夢到
江邊

風雨三春暮歸帆及夏初放歌烟水濶懷友性情
俱避俗惟高枕還山好著書莫言前路遠還可寄
雙魚

送劉次山歸楊州

上巳風光好共遊幾番清夢遶羅浮
楊州亦羅浮花開

驛路隨孤艇春逐邗溝不斷流灌瓦梅花真絕調
大山贈予灌
研詩佳甚南州風雨獨登樓無情最是江頭柳
今古勞勞送客舟

寒夜

不晴復不雪終日雨如篩積水池塘足疎花草閣
宜耐寒鈔范史小飲和陶詩寄語東風使無勞故
故吹

贈嚴伯後

歲寒惟聽雨只合對芳尊世好論交晚高風古道
存文章今作手家代舊通門夢想茗谿曲梅花春

白石山房彙

卷一

辛

正繁

贈蘇興三

如君真不媿前人蘇李由來誼倍親萬里莫愁仍
作客一年最喜更逢春名家詞賦今無敵學士風
流別有神握手論交情不淺爲攜斗酒泛湖濱

張溫如制府解組重過章門賦此志別

樓船旭日映波紅萬里澄清指顧雄海國旌旗傳
細柳江鄉節鉞識新豐元臣豈久勞邊外使相還